

和書類從

世四

庫文閣内			
三	六	八	和
九	六	六	書
函	六	九	
二	六	〇	類
八		號	
架	冊	號	

内閣文庫	
番號	和 18690
冊數	666 (42)
函號	215 3




Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM, Kodak





羣書類從卷第卅四

淺草文庫

檢校保己一集

帝王部六

本朝世記殘闕

康和元年己卯

三月十八日是日陸奥守從五位上源朝臣國俊卒
國俊者正二位行大皇太后宮大夫隆國卿第六子
也美保元年四月八日拜右衛門先是叙從五位
下二年正月廿八日遷為民部權大輔承曆二年正
月六日授從五位上以輔勞也應德二年二月十五

日兼備後介三年二月三日任三河守承德二年八月
為陸奧守不之任國俊白河天皇御宇侍殿上有關
亂事即被削殿上籍矣

四月九日辛巳權充中弁能俊朝臣任修理左宮城
使叔父陸奧守國俊朝臣服暇內也

六月廿五日丙申閔白內大臣依病上表 被叔之

臣師通言膠船至腕何凌巨鼈萬里之波玉色無
當豈堪浮蟻十旬之酒臣之無用取喻可知臣師通 中謝

臣聞大臣者象五岳以施神化之官博陸者輔萬
機以執人柄之職也誠非小量之可居抑又大器

之所任也臣才望如虛德行共缺偏受累祖之餘
慶謬忝兩夕之崇班竈澤已餘謝非次於群賢之
右皇綱難理畏極陋於一人之前夫德未為衆所
服而受高爵則使才臣不進功未為衆所歸而荷
厚福則使勞臣不勸古人之謂其不然乎今臣有
何功以堪之有何德可以安之若以不肖久居重
任者縱猶養魚鼈於茂林之巔栖鳥雀於重剝之
底議人弥反脣於康衢瞰鬼定迴眸於門戶者歟
况乎化運所指今年可慎病疴所浸近日尤酷雖
訪救療於十全未得効驗於五內心之憂危且夕

無聊盈滿者害身之鋌鎔也辭遁者保命之謀謨也
 也不如擺遇分之榮華想方寸之肝葉休退之旨詞
 以不飾伏冀陛下曲垂哀矜早罷官職兼又左右近衛
 隨身兵仗各返本府令勤警巡然則為國有益為身無危
 不勝悚迫憂懷之至謹拜表謹以聞師通誠惶誠恐頓首
 頓首死罪死罪謹言
 承德三年六月廿五日閔白從一位行內大臣
 藤原朝臣師通上表
 廿八日巳亥閔白從一位行內大臣藤原師道公薨
 公者前大臣從一位藤原師實公一男母從一位行

右大臣源師房公女也延久二年七月廿八日為殿
 上小舍人四年正月廿五日加元服即日叙從五位
 上又聽昇殿並禁色雜袍東宮昇殿同之四月廿二
 日任侍從六月廿二日任右近衛少將七月廿四日
 轉中將十二月八日聽新院昇殿禁色同之五年正
 月七日依親父左大臣讓叙正五位下卅日以東宮
 御給叙從四位下二月八日還昇十二月廿八日聽
 東宮殿上六年正月廿八日叙從四位上六月廿五
 日以中宮從東三条第初入內賞叙正四位下承保
 元年十一月十六日兼近江介二年正月十九日叙

從三位行幸東三条第日以元大臣讓也三年十月廿
 四日行幸大井河日以元大臣讓叙正三位承曆元
 年正月兼備後權守三月抽任參議十二月十三日
 任權中納言即兼元近大將三年十月廿五日叙從
 二位以去元年行幸稻荷祇園等社行事賞也十一
 月廿五日兼中宮大夫四年叙正二位八月十四日
 任權大納言大將大夫等如故永保三年正月廿六
 日任內大臣廿七日大將如元寬治七年十一月廿
 一日上疏請停大將教許也廿八日教授帶劔嘉保
 元年三月九日詔為開白十一日得氏長者印十二

日敕賜左右近衛府生各一人近衛各四人為隨身
 兵仗三年正月七日叙從一位同日可列元大臣上
 之由被下宣旨公受性豁達好賢愛士以仁施人以
 德加物多進文學之士漸退世利之人嘉保永長間
 天下肅然機務餘暇好學不倦就權中納言大江匡
 房卿受經史說以儒宗也又召大學頭惟宗孝言朝
 臣令侍且讀九厥百家莫不通覽又巧篆隸能長絲
 竹就太宰帥經信卿學琵琶論其骨法有藍青又體
 貞閑麗容儀魁悟匡房卿偷語人云望公威容殆不
 類本朝人恨不令見殊俗之人薨時春秋卅八天與

其才不與壽嗟呼惜哉
 七月一日壬寅此日參議從三位行皇太后宮權太
 夫兼兼作權守藤原朝臣公定薨公定者正三位行
 權中納言藤原朝臣經家第一子母正四位下行兼
 作守大江朝臣定經女也康平三年正月七日賜氏
 爵叙從五位下六年十一月九日除侍從七年十一
 月廿四日聽昇殿治曆二年八月任少納言四年正
 月七日授從五位上以少納言勞也四月十九日停
 昇殿依天皇晏駕也廿六日又聽新帝昇殿五月廿
 五日遭父喪去職延久元年正月廿七日詔以奉官

起即叙正五位下以太皇太后宮御給也九月廿三
 日叙從四位下二條關白左府以前坊傳勞讓與也
 十一月廿日聽昇殿三年二月二日授從四位上以上東
 門院御給也四月六日任齋院長官七月停長官依
 齋王退也十二月八日停昇殿依讓位也即聽新帝
 昇殿任春宮亮同日改為權亮廿八日進爵為正四
 位下以上東門院御給也永保三年六月廿六日補
 藏人頭二月一日任宮内卿四月廿五日權亮如故
 應德元年六月廿三日遷權左中弁十二月廿六日
 更兼宮内卿三年十一月廿日拜參議于時卅八寬

治元年正月廿五日兼備前權守二年十二月廿五
 兼皇太后宮權大夫六年爵至從三位以參議勞也
 正月卅日兼備前權守永長元年丁母憂解官兼德二
 年正月廿七日兼美作權守染瘡數日薨頗練政事
 兼涉伎藝其中專善鳳笙子晉之再誕也有一名笙
 聲清亮號之翁麻呂朝暮愛之不離座右薨時春秋
 五十一

同日權少僧都林豪入滅林豪者薩摩守從五位下
 平朝臣生成子也大學頭大江舉周朝臣養為子幼
 登叡山從座主明快受業為良圓並良真弟子學真

言教兼曆四年十月十五日任權律師于時年四十
 八法印良真以持明院供養導師之賞讓之寬治三
 年十二月任權少僧都卒時春秋六十七號青蓮房
 九日庚戌前閔白墓送也廣隆寺東北野依出家儀無薨奏
 贈位等事

十一日右中辨兼和泉守藤原朝臣有信卒年六十
 卅三日甲子是日從四位上行主殿頭兼河內守藤
 原朝臣公經卒公經者故從二位行太宰帥藤原重
 尹卿子實心五位下行宮内女輔藤原成尹第一
 子也長久三年正月任勘解由判官先是為文章生

永承六年正月廿七日遷為式部少丞天喜二年正月五日授從五位下以式部勞也二月廿三日任加賀權守十二月廿九日補中務權少輔康平二年正月五日加從五位上以輔勞也延久元年十二月拜少納言五年正月授正五位下以給事中勞也承保二年正月五日進爵為從四位下應德二年十二月十六日除主殿頭寬治三年正月十四日兼越中丞永長元年正月兼任河內守承德元年正月五日爵至從四位上公經性不染世事常事吟詠尤巧草隸又好詠和歌昔河內國有一古寺有一沙門號公泰戒

行無闕修練匪懈見斯寺破壞發願曰我當來生人間為當國大守先修復此寺便注願文排佛壇之中又曰我願成就之時此願文可出現云其後百餘年公經為河內守先祀彼寺佛壇之中內有一紙書披見之公泰之願文也其手跡與公經手跡全無別便知彼僧者公經前身也
 八月十六日丙戌從二位行權中納言兼治部卿藤原朝臣通俊薨通俊者故散位從三位藤原朝臣經平卿二男母故從四位下藤原朝臣家業女也康平二年正月七日以女御歡子朝臣給叙從五位下漸

進任因幡權守治曆三年十二月廿九日聽東宮殿
上四年四月十九日太子踐祚之日聽昇殿延久二
年正月七日依殿上簡一叙從五位上四年十一月
廿九日聽新主殿上以本官侍臣也五年正月卅日
任兵部少輔承保元年正月廿八日任少納言又補
藏人二年正月叙正五位下親父經平卿以造會昌
門功讓之也六月十三日抽任充少弁承曆元年十
月三日轉任右中弁十二月十八日以造法勝寺行
事賞叙從四位上浴二階恩也廿二日還昇二年正
月廿日兼越前權守三年正月七日叙正四位下六

年以行幸春日社行幸賞也永保元年八月十五日
聽東宮昇殿廿八日補藏人頭二年正月廿一日轉
權左中弁四月廿七日兼右京大夫三年十月一日
依法勝寺御塔行事賞叙正四位上十一月十九日
兼修理右宮城使應德元年六月廿三日任參議又
轉右大弁于時卅八二年二月十五日兼伊豫權守
三年十一月廿日以興福寺行事賞叙從三位寬治
二年正月十五日叙正三位行幸院之日以院司有此
賞十二月廿五日兼越前權守三年三月雖遭母喪
不解官四年八月十日停右京大夫讓定實朝臣五

年七月四日遭父喪不解職六年九月七日兼大藏卿七年二月五日兼伊豫權守八年六月十三日任權中納言十二月十七日兼治部卿同日叙從二位為弁官之時依造三條院行事賞也康和元年八月請停中納言通俊才兼和漢深達政理應德三年六月廿五日太宰府言上管筑後國高良上宮石硯并高座階瑞花生事令公卿定之時通俊定申云如紀傳並或部權大輔匡房朝臣勘文者高座異花本文雖同所引書籍之名乖違若據智覺禪師感通賦歟彼書法橋裔然始渡也用否之間雖申左右一篇之中

所載旁多非唯異花之生高座四角兼有白蓮之發右手五手之者其旨雖不勘申其文所見典籍也是非自然之異端瑞生偏彰法華之勝利者欵今如解狀者高座石硯倏忽生花無詳徵驗雖准法華之瑞生高座之條一端相叶欵兩箇之花須為嘉瑞狀而寬和之比信濃國獻白雉彼時以叶方之色先例為嘉瑞之由所議定也縱為瑞物依此等例者先尋方角之叶否可被定休徵之虛實欵凡每預朝議發明旨意皆此類也二年奉敕撰進後拾遺和歌集廿卷行于世矣薨時春秋五十二

九月九日戊申此日參議正三位行備前權守藤原朝臣長房薨長房者故正二位行權大納言兼太皇太后宮大夫藤原朝臣經輔第二男母故從三位行式部太輔藤原朝臣資業女也長久四年九月任右近衛權少將寬德元年正月叙從五位上以府勞也二年四月兼備前介永承二年正月叙正五位下依府勞也四年正月叙從四位下以府勞也少將如故五年二月兼讚岐介六年正月叙從四位上以上東門院御給也同月轉任左近衛少將天喜三年二月兼周防介康平元年四月兼左京大夫三年二月兼

備中介同年叙正四位下四年二月轉左近衛權中將大夫如故六年四月卅日叙從三位停中將大夫如故延久四年二月一日遷任兵部卿承保二年六月十三日任大藏卿承曆元年正月十一日叙正三位行幸陽明門院之日以院司有此賞二年兼備中權守永保元年八月七日丁父憂解官十二月十七日以本官起三年正月廿六日任參議大藏卿如故于時年五十五應德元年正月廿九日兼周防權守寬治三年正月廿八日兼播磨權守六年九月七日兼太宰大貳在任之間嘉保元年彥山衆徒有訶訟事

太以蜂起初赴任之時所相從之郎從不幾然間發
倉卒成敗之間不知所為遂電上洛所辭都督也
世以稱半大貳三年正月任備前權守康和元年九
月二日依病出家薨春秋七十一頗善和歌其所詠
在後拾遺集

康和五年

正月十六日丙申今夜子刻女御有御產事

皇子五條地高

倉西右少弁頭一天之歡何事如之哉

女五日乙巳上皇為今奉見皇子給御幸于女御殿

日者御于頭朝臣高委宅

有勸賞

正五位下藤通

途路之間世

為壯觀而已亥刻女御俄卒去

春秋廿八從一日之

哀樂相變視聽之處莫不悲歎者欽上皇忽又御幸

令奉迎皇子給畢女御從四位上藤原朝臣汝子薨

女御者正二位行大納言兼陸奥出羽按察使藤原

實季卿女母前太宰大貳從三位藤原經平卿女也

承德二年十月廿九日初入內十二月為女御康和

元年正月授從四位下五年正月十六日誕第一皇

子其後經十箇日薨逝二月三日贈從二位殯殮之

日也薨時春秋廿八

三月十二日辛卯前齋院嫡子內親王薨內親王者

後朱雀天皇第二女母陽明門院也長元五年九月
十二日誕于中宮大進橘義通朝臣宅御產以前自
東宮以少進則經為使被獻紅御袴一腰是有由緒
云：九年十一月廿八日卜定賀茂齊王時年五年
十二月六日敕為內親王外戚卿相等進弓場奏慶
之由長久、年六月六日授、品寬德二年正月十
六日退齊居天喜五年九月偷降嫁參議允近中將
源俊房卿世以為不可薨時春秋七十二
五月一日己巳散位從五位下高階朝臣為賢卒為
賢者故入道正四位下行備中守高橋朝臣為家第

三子也嘉保二年十二月十四日以縫殿助補藏人
同廿七日叙從五位下
八月十四日正四位下行武藏守藤原朝臣行實卒
行實者前美濃守正四位下藤原朝臣行房第一子
母從四位上行大和守高階朝臣經重女也永保四
年正月十一日以藏人所雜色補藏人應德二年二
月十五日任右衛門權少尉三年二月三日蒙檢非
違使宣旨十一月遜讓之時為院判官代寬治三年
正月十九日叙從五位下行幸上皇御在所之日以
院司浴此息女五日出為淡路守以白河上皇御給

也四年正月五日授從五位上四月廿日叙正五位
下行幸上皇御在所之日依為院司預此賞五年八月
六日遷任甲斐守嘉保元年二月廿二日授從四位
下永長元年正月十一日叙從四位上行幸上皇御
在所之時以院司賞也康和二年六月十九日授正
四位下五年二月廿九日任武藏守依造尊勝寺之
功也行實承德二年二月於路頭被刃傷是流人源
仲正之郎從散位藤原則忠之所為云
十一月十五日庚寅是日阿闍梨權僧正法印大和
尚位良意入滅良意者越前守正四位下藤原良經子

母備中守正四位下藤原隆光女也少住園城寺師
事法橋上人位行圓使學秘密之教法永保元年十一
月廿七日任權律師年卅八以僧都賴尋讓也先是
授阿闍梨職位寬治二年十二月廿九日任權少僧
都以保護聖躬之勞也六年五月十六日轉大僧都
承曆元年十二月廿九日叙法印康和二年為梵釈
寺別當四年五月十三日任權僧正時年六十九七
月為法成寺別當五年十月五日奉綸旨於禁裡修
法華法依其勞効以弟子禪圓任權律師卒時春秋
七十号唐房僧正

十二月廿日乙丑正四位下行木工頭兼丹波守高階朝臣為章卒為章者入道備中守正四位下為家第一子母贈從三位藤原義忠女也承曆三年三月四日以所雜色補藏人時年廿二四月任充近將監永保元年正月七日叙從五位下同廿六日出為越後守以法勝寺功也尋拜充兵衛佐應德三年二月三日遷任但馬守充兵衛佐如故漸進叙從五位上寬治二年正月五日叙正五位下同十九日授從四位下行幸上皇御在所之日以院司有此賞三年正月十一日叙從四位上朝覲行幸以院司賞也六年

十一月八日出為加賀守七年八月廿八日親父近江守為家朝臣坐凌轢春日神民事除名配流為章依為長男可有緣坐然而依臨時之恩不坐四男阿波守為遠一人停見任非常斷人主專之義也嘉保二年十二月兼木工頭為章者白河法皇寵過之人也于時因幡守藤原隆時同為近臣世語寵臣者称此二人而已卒時卅五

右本朝世記一卷以史官記授卒畢